

Le dotur Eduard Agreiter é demez en chëst'edema dai 19 ai 23 de messé y vëgn sostituì dala doturia Grete Mahlknecht 349 06 67 034.

COMUN: A San Martin él gnü arjigné sot la scora dlungia la ütia por i sac dal ciomënt ince na **bot por le refodam biologich por privac**; al vëgn recordé ch'al pó ma gní sciuré ite resc di pasc (laprò cern, pësc y de pici osc), resc d'ordöra y verzöra, filtri café y te, ciüfs, resc d'urt (erba, fëies, rames), cëinder, mo nia refodam da tosser, materialai de plastiga y nylon, öri y grasc, escremënc de maius tiers de ciasa (cians y iac), toc de plantes colpides da maraties.

SAN MARTIN Y LUNGIARÜ

Vigni döes edemes, le dedemesaledema, vëgnel tigní online na ora de **reflescium sön la Bibia con siur Sepl Granruaz**. Chi che ó ester lapró pó ti mëné süa misciun e-mail a Andrea Tasser (andrea.tasser@gmail.com) che ti menará spo vigni iade le link por tó pert. Al é na bela ocasiun da aprofondí la fede y medité te na maniera plü sota la Sacra Scritöra.

L'Unité Pastorala chir porsones por **sorvisc religiusc tla Ciasa de Palsa**: Ai 26 de messé da sëra vëgnel tigní na reuniun cun chi che se mët a desposiziun por partí sö i sorvisc. Chi che é desponibli é bel peria da ti al comuniché al/a presidënt/a dl Consëi de Cöra o al nr. tel. 347 52 77 810.

LUNGIARÜ

Prëibel do le **contribut por la ploania de 20 euro** porom, tuc fora i studënc, che vëgn trat ite ciamó incö domënia, ai 18 de messé do mëssa te calonia.

Workshop da fá **se da erbes y zücher da flus** cun Giulia Moling, organisé dala Uniun dles Ëres en jöbia ai 22 de messé dales 19:00 tl salf dl paisc. Cost 15 euro porom. Prenotésse pro Chantal 348 17 33 391.

La **Uniun dles Ëres invieia a gosté** ite dala Ütia Ciampcios en jöbia ai 29 de messé. I s'incuntun dales 7.30 tla plaza dai auti de Pares por jí ite adöm. Cost 15 euro porom. Prenotésse cina ai 26 de messé pro Chantal 348 17 33 391.

La Uniun Ëres invieia families, geniturs cun mituns en mertesc, ai 20 de messé, dales 15.00 inant **ite da Punt da Rü Fosch por sté en compagnia**.

De di Morins: de mercui ai 21 y ai 28 de messé, ai 4 y ai 25 d'agost y al 1 de setëmber: Ativités por gragn y pici tla Val di Morins dales 10.00 ales 18.00. Le program é da ciafé tl ofize turistich.

Smach: **Film Club tla Val dl' Ert** en vëndres, ai 23 de messé, dales 21.00, cun le documentar "Il sale della terra". Da bur tëm vëgnel desdit.

Conzert dl grup Duo Vis à Vis ai 20 de messé, dales 21.00, tl Istitut Ladin. En mercui, dales 17.00, **presentaziun dl liber de poesies** de Elisabeth Oberbacher tla ciasa vedla dl Lech da Sompunt a Badia (org. Istitut Ladin)

Gnide tla biblioteca a San Martin daverta dal lönesc ala jöbia dales 8.30 ales 12.00 y dales 15.00 ales 17.00 y le vëndres dales 8.30 ales 12.00.



Plata dles Ploanies San Martin y Lungiarü

ploan Klaus Sottas 344 15 54 055 - klstottas@rolmail.net
siur curat Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194



www.valbadiaonline.it/comunite

18.07. - 25.07.21 nr. 34

16ª DOMÈNIA IA POR L'ANN B

Vangele do Merch 6,30-34

I apostui, che Gejù â mené fora, s'â indô abiné pro d'ël y ai ti à cunté döt cí ch'âi â fat y insigné. Dailò ti àl dit: Gnide te n post sorënt, olach' i sun susc, y palsede fora n pü'. Deach' ai n'â gnanca plü tëm da mangé, tan tröpa jënt êl che gnô y che jô. Insciö ési jüs cun la barca te n post sorënt, por ester susc. Mo an i â odü jon demez y tröc â capì te cí vers, y da dotes les citês saltâ a pé te chël post y rovâ dailò ciamò dan da d'èi.

Canch' al ê gnü fora de barca y odô le gröm de jënt, â Gejù compasciun impara; deach' ai ê sciöche bisces che n'â degun famëi. Y al i à istruì de vigni vers.



La vita é plëna de tenjiuns y ince le vangele ne

nes delibrëia nia dales tenjiuns ch' i un da tigní fora de por de.

Le vangele da incö nes cunta de n valgönes tenjiuns te chëres che Gejù viò: su y deboriada, vijinanza y destanza, aziun y contemplaziun, se dé da fá por i atri y la vöia da palse, se mené picé di atri y orëi se trá da na pert.

Al foss bel da ne messëi nia vire tres te tenjiuns y savëi ci ch'an á da fá, zënza messëi ciamó se cruzié de chësc y de chël.

Porchël él dër de confort por nos che Gejù viò ince te tenjiuns.

Al abina la jënt incër ël ia y sint le bojëgn da sté inurcaltan indô su.

Y al se mëna picé dla jënt che ti stá do. La compasciun é le momënt plü important de chësc vangele. La jënt ti vá a cör a Gejù. Al l'á ion y s'un tol sura. Canche Gejù vëiga dötä chë jënt deorientada che le chir, él dër comoü.

Insciö n'ói gnanca iö ti jí fora de tru ales tenjiuns ch' i á da suporté y me tó por ejëmpl la compasciun, che Gejù á por la jënt, y me surandé ala compasciun, che Gejù á ince por me. (Image)

EDEMA	SAN MARTIN	LUNGIARÜ	
18.07.21 16ª DOMÈNIA - ann B	9.00 Corona 9.30 Gran Mëssa por la comunité cun benedisciun dl tëmp + Dorotea Prousch Gasser (dl ann) ++ dles families Erlacher dl Cheder por + Giovanni Flöss y familia	7.55 Corona 8.15 Gran Mëssa por la comunité cun benedisciun dl tëmp 15.00 Corona tla capela de Sant Ojöp Fr.	 Ai 22 de messé recorda la Dlijia Santa Maria Magdalena. La letöra de chël de aldiunse dala Ciantia dles Cianties 3,1-4. Comënt a chësta letöra: <i>L'amur fej me. La nücia ne ciafa degun daciassa sce l'amich de so cör n'é nia dailó. Ara n'aspeta ignó l'ora ch'al vëgnes. Ara á ma chësc pinsier, sce l'amich de so cör n'é nia pro d'ëra. Ara dij do sües parores, se recorda le sonn de süa usc, ara ascuta y spera da l'aldí. Al ti stá sö le fle y ara spera che ël sintes so dejier. Ara patësc y n'ó nia zede da sintí le dolor de so incheriscimun. L'amur é sciöche la fede, sciöche la speranza. La fede fej me y ne ciafa nia n daciassa, olache Idî ne n'é nia. Ara n'aspeta ignó l'ora da incunté Idî canch"al ti pê dalunc. Ara spera y spera y ne zed nia da speré - cina che Idî ne vëgn. La fede dij do les parores de Dî y ascuta y spera, ch'al aldes süa usc inchersciöra y implësces so dejier. (Sr. Johanna Domek)</i>
19.07.21 Lönesc <i>Iusta y Rufina, Marina</i>			
20.07.21 Dedolönesc <i>Margareta, Apolinar, Aron</i>	19.00 Mëssa + + Nando y Hannele Flöss + + + Arcangel, Nane y Monica Zingerle		
21.07.21 Dedemesaledema <i>Laurënz, Daniel</i>		7.30 Mëssa + + Pire Mischi y Vinzenz Clara, postin a d'intenziun por les Püres Animes	
22.07.21 Jöbia <i>Maria Magdalena, apostola</i>	7.30 Mëssa + Tone Unterweger + Emma Mutschlechner Frenner Corona por Vocaziuns		
23.07.21 Vëndres <i>Brighita de Svezia</i>	18.30 Adoraziun chîta 19.00 Adoraziun deboriada	7.30 Mëssa def. dla fam. Agostino y Dorina Clara + Pire Clara, Mair	
24.07.21 Sabeda <i>Cristofe, Cristina, Scharbel M.</i>	20.00 Mëssa prefestia + Angela Tavella Castlunger vis y def. Prousch y Perathoner + Sepl Flöss, d'Arzó	18.30 Mëssa prefestia a d'intenziun + + Severino y Angela Clara + Rita Zingerle Clara + Pire Clara, Paur	
25.07.21 <i>San Iaco, apostul</i> 17ª DOMÈNIA - ann B Domènia de San Cristofe	9.00 Corona 9.30 Gran Mëssa por la comunité cun benedisciun dl tëmp en onur de Sant Antone y San Cristofe dl ann + suor Iustina Pescollderungg + + Alfred y Erica Videsott	7.55 Corona 8.15 Gran Mëssa por la comunité cun benedisciun dl tëmp 15.00 Corona tla capela de S. Ojöp Fr.	